

興化府莆田縣志

卷之二  
（但於傳）

興化府莆田縣志卷三十二

人物志

仙釋傳

漢九何君者武帝時何氏兄翁九人也父居廬江繼徙臨川任俠有奇氣與淮南王安游娶張氏生男九人女四人九人生時目俱盲獨長者一眼朗然如日爲諸真人前行九人初亦從父客淮南已而師大羅學辟穀法勸父俱隱不聽遂相與自九江入閩始卽石竹鼓山居焉月餘復游于莆莆西州

故有龍津廟其中井泉靈異有胡道人修真於此  
九人遂往謁之因飲是水仙眼盡開一日辭胡曰  
此地非吾所也吾將去胡曰子名已登金臺玉堂  
不患不仙子其尋鷄子山往矣吾亦躡壺山之巔  
以了塵寰異日當會子於白雲清洞因畱詞以別  
九人乃西行六十里結楓爲亭而處其上已過九  
仙山經鷄子城飲其泉卽飄飄欲冲舉或謂巔之  
東大有佳處遂踰嶺入湖煉藥湖中丹成九鯉化

龍白日乘之昇天

事見仙遊  
九鯉湖

因陳仙不知名其所居號陳巖山山有石面平如削  
文跡縱橫若篆籀又有北深纒二尺泉甘而清舊  
傳陳仙於此淘金故號淘金井徐賢記陳胡二公  
隱跡壺公山後羽化淳熙十二年知縣張少英建  
拜壺亭塑陳胡二仙之像胡卽何真人所謁者陳  
疑此公諒陳巖暫寓竟隱壺公也

天后林姓世居莆之滑洲與五代閩王時都巡檢林  
愿之第六女也母王氏前編修棗城倪中記云神

生於宋元祐八年

一云太平  
興國四年

三月二十三日妃始

生而地變紫有祥光異香通悟秘法預知休咎事

鄉民以病告輒愈長能乘席渡海乘雲游島嶼間

人呼曰神女又曰龍女雍正四年二月十九日昇

化一云景德三年十月初十日也倪中記謂是後

常衣朱衣飛翻海上里人祠之而賜禱應宣和癸

卯給事中路允迪使高麗中流震風八舟七溺獨

路所乘神降于櫓安流以濟使還奏聞特賜順濟

廟號紹興己卯江口海寇猖獗神駕風一掃而去

其年疫神降于白湖去潮尺許掘坎涌泉飲者輒

愈洵封昭應崇福乾道己丑都巡檢使姜特立十  
其默相捕盜功加封善利淳熙間加封靈惠慶元  
戊午朝廷調舟師平大奚寇神障以霧此明彼暗  
寇悉掃除開禧丙寅寇迫淮甸神擁旗幟一戰解  
圍莆民艱食朔風彌旬南舟不至神反風不日輻  
轉海寇入境神爲膠舟悉就擒景定辛酉巨寇在  
祠下禱神不允羣肆暴慢醉臥廊廡間神縱火焚  
之賊駭遁風沙晝晦各跨淺而敗有司以聞累封  
助順顯衛英烈協正善慶等號元以海漕有功賜

額靈濟明永樂間內官甘泉鄭和有暹羅西洋之  
役各上靈蹟命修祠宇己丑加封宏仁普濟護國  
庇民明著大妃自是遣官致祭歲以為常 國朝  
康熙十九年 詔封護國庇民妙靈昭應弘仁普  
濟天妃二十年舟師南征大捷提督萬正色以妃  
靈有反風之功聞于朝加封昭靈顯應仁慈天后  
遣官致祭二十二年靖海侯施琅師克澎湖謁天  
妃廟見妃衣袍沾濕左右神將兩手起池知邀神  
助灣中水泉止可供百口是日駐師萬餘泉忽大

湧畫筏不竭表上靈異勅建神祠于滑洲勒文以  
紀功德又檢討汪楫中書林麟焟冊封琉球舟行  
有雙魚前導三日抵中山北歸離那灞一日程颶  
風大作麟焟望空禱告黑夜見二燈熒熒舟遂平  
穩使還奏請春秋祀典六十年臺匪竊發鹿耳門  
水驟漲數尺舟師揚帆僉進七日克復全臺經巡  
臺御史禪濟布等疏聞雍正四年 特頒御書神  
昭海表額懸掛滑洲廈門臺灣三處十一年總督  
郝玉麟奏請省會神祠照龍神例督撫王祭并令

各省有江海處所一體葺祠致祭乾隆二年臺灣

兵餉在洋遭風幸獲安全督臣據題加封福佑羣

生二十二年疏球冊使侍講全魁周煜奏稱風濤

危險叨神救護奉 旨加封誠感咸孚神號委員

祭告 按天后生卒備載前志一云係宋乾德間都  
巡檢林愿女舊志作五代閩王時誤生於太

平興國四年舊志載元祐八年誤昇化於景  
德四年舊志作雍熙誤未知孰是附誌備考

明卓晚春南渚林人也生嘉靖間自號無山子亦曰

上陽子人呼為小仙幼喪父母無所資藉而丐於

道八歲神於算法雖千萬指掌籌之不爽頗喜休

各事皆音中初不識字十四能詩十六善草書名  
動七閩當道謁者甚衆小仙輒與之抗禮身無尺  
寸之帛衣脫下卽爲旁人持去無升斗之儲或邀  
之而少拂其意雖瓊筵亦不願往無分釐之資每  
得於人者輒以施人雖寒甚必露宿石頭上只着  
黑麻布裙背加青紗帕子履霜赤脚更無他衣時  
或衣重綿每霜天必浴於溪澗又飲水十數旣曰  
漂我紫金丹也或嘲其蓬頭跣足則應聲曰天上  
逍遙卓晚春桃源深處老乾坤倒騎黃鶴歸海上

脚帶青天幾片雲又曰披衣兼跣足開口笑王侯  
千年渾似醉一世懶梳頭其他吟咏尙多有問陽  
不用七而用九陰不用八而用六何也曰合九與  
六者十之有五也問天有時壞否曰天安能壞故  
曰者陽也日出而天地闢又曰天亦能壞子時一  
陽始生自子至寅陽氣始全自寅至午陽氣始盛  
自午至酉陽氣漸微自酉至亥陽氣復生又曰無  
極者如年之十月也立極者如年之十一月也有  
問日之鳥月之兔曰此卯酉之說也又曰黃河中

處有五色石軟如綿崑崙五色石在地深處與黃  
河五色石一處相連或問海水曰此天地之精也  
而水之淡者餘氣耳諸談論皆此類鮮知其解解  
者惟林下其恩故小仙與林下語外遊語曰亦  
言錄中時郡頻寇喪有問莆事者小仙口占曰君  
問莆陽事官貪更要錢入方七不靜十室九無煙  
黎庶苦中苦乾坤顛倒顛若過壬戌歲方見太平  
年甲寅托言北征過江橋謂人曰我去之後橋石  
折莆陽變矣丙辰橋石果折壬戌遂有陷城之變

其先知如此後脫化于杭州淨慈寺以上

（虛）沙門法通貞元中居壺山虎邱巖嘗下山遇兩虎

爭一牛通鬪而分之黃御史壺山詩云井通鱗吐

亦僧鬪虎棲禪

沙門文矩一名涅槃黃姓唐末人延壽國權院其降

生處也生時火裏關蓮初隱叢山高巖下趺坐不

食行則兩虎隨之其居曰伏虎庵九座見之曰此

古辟支佛也因號辟支巖巖有小竅時透異香又

嘗居西山石室而烏石街畫屏巷有虎亭俗傳涅

槃騎虎至此涅槃出言成讖嘗曰生吾前者非聖  
人生吾後者非聖人吾去世六十年後有無邊身  
菩薩來治此國聽吾偈曰小月走爍爍千村及萬  
落處處鳳離巢家家種葵藿人莫喻其旨後涅槃  
卒於唐光化戊午至宋建隆庚申六十有二年藝  
祖應小月之符以火德王散羣雄爲一統適應無  
邊之讖又曰吾所居之地永不動干戈五季所在  
兵爭莆賴以免畱陳據有漳泉隨卽歸命莆息兵  
晏堵者二十年又曰烏石山前官職綿綿自唐距

今居山之前登科第者無虛歲或問溪波何時可  
 築曰逢竹則築宋治平初錢四娘築於溪上流不  
 克林進士築於溪下流不克最後李長者應詔來  
 神僧馮智日謀施功於木蘭山前因為截溪插竹  
 長者悟曰逢馮也百年識在今日於是依竹築堤  
 功成不爽又嘗曰白湖腰欲斷莆陽朱紫半水遶  
 壺公山此際大好看人莫能曉及陂成溪水循壺  
 公之麓而行水遶之言應矣熙寧九年徐鐸廷試  
 第一有登科甲至宰相而禁從肩摩干朝者好看

之言又驗矣宋賜號妙應禪師塔曰慧薰

無了沈姓橫塘人唐咸通中得法於江西馬祖行經

龜山院遇六眸神龜躡小龜四回首面師俯仰如

作禮者三頃之失去師因名其地曰龜洋誅茅編

屋居焉咸通八年十月趺坐而逝真身不壞遂建

塔以奉之賜號真寂大師四門博士薛承裕撰塔

### 銘

沙門千靈唐會昌中辭六祖入閩六祖云逢苦卽住

至莆田苦竹山拄錫山魃拒之千靈曰若能飲鐵

針則吾去不能飲而吾飲則若去甕不能飲自飲  
之甕遁去遂於山西北建苦竹院所飲餘鐵針封  
貯尚存

正幹吳姓得法於六祖辭歸至福州黃蘗山曰吾受  
記於師逢苦卽住其在是乎遂卽山立寺爲黃蘗  
初祖

號章黃姓入靈石山爲僧咸通中謁長安晤本价公  
价稱之由是名冠叢林後居曹山號木寂南平王  
鍾傳以禮致之不往偈答云摧殘枯木倚寒林幾